

Faamatalaga 1: E le talafeagai le faia o fesili e faatatau i le aoaoga faavae, aoaoga, aiaiga faavae, ma le talafaasolopito o le Ekalesia.

Ia talanoaina faatasi o se vaega le sa'o o le faamatalaga 1. Faitau Iosefa Samita—Talafaasolopito 1:10–13, ma talanoaina pe na faapefea e le faia o fesili ona suia le olaga o Iosefa Samita. Ona faitau lea o saunoaga nei a taitai o le Ekalesia:



O le fesili o le amataga lea o se molimau. E ono lagona e nisi le matamuli po o le le agavaa ona o loo i ai ni a latou fesili sailiili e uiga i le talalelei, ae e le tatau ona latou manatu faapena. O le faia o fesili e le o se faailoga lea o le vaivai; ae o se teuteuala mo le tuputupu a'e.

Ua poloaiina i tatou e le Atua e saili i tali i a tatou fesili ma ia ole atu tatou te maua ai “ma le loto faamaoni, ma le manatu moni i ai, ma le faatuatua ia Keriso” [Moronae 10:4]. A tatou faia faapea, o le a mafai ona faaali mai ia i tatou le moni o mea uma “i le mana o le Agaga Paia” [Moronae 10:5].

Aua le fefefe; ia fesili atu. Ia fia iloa, ae aua le masalosalo! Ae ia uumau pea e le aunoa i le faatuatua ma le malamalama ua uma ona e maua. (“President Dieter F. Uchtdorf: The Reflection in the Water,” *Church News*, Nov. 1, 2009, thechurchnews.com)



Avatu au fesili i le Alii ma i isi puna faatuatuaina. Su'esu'e faatasi ma se manao ia *talitonu* nai lo le faamoemoe e mafai ona e maua se mea sese na tupu i le soifuaga o se perofeta po o se mea faaletonu i tusitusiga paia. Taofi le faateleina o ou masalosaloga e ala i le talanoa ma isi tagata masalosalo. Faataga le Alii e ta'ita'i oe i lau malaga o le sailiga faaleagaga. (Russell M. Nelson, “Ua Toetu Keriso; O Le Faatuatua ia te Ia O Le A Aveesea ai Mauga,” *Liahona*, Me 2021, 103.)



E i ai uluai fesili ma e i ai foi fesili lona lua. Tali muamua ia fesili autu. E le tutusa uma fesili ma e le tutusa uma upumoni. O uluai fesili e aupito sili ona taua. O isi mea uma o loo i lalo ifo. E itiiti lava ni nai uluai fesili. O le a ou ta'ua le fa o i latou.

1. Pe o i ai se Atua o lo tatou Tama?
2. Pe o Iesu Keriso o le Alo o le Atua, le Faaola o le lalolagi?
3. Pe o Iosefa Samita o se perofeta?
4. Pe O Le Ekalesia a Iesu Keriso o le Au Paia o Aso e Gata Ai o le malo lea o le Atua i le lalolagi?

O le eseese, o fesili lona lua e le muta. . . .

Afai e te taliina uluai fesili, ona maua foi lea o tali o fesili lona lua, pe itiiti lona taua, ma mafai ona e taulimaina mea e te malamalama ai ma mea e te le malamalama ai, faapea ma mea e te ioeina ma mea e te le ioeina e aunoa ma le oso atoa ese mai le va'a. (Lawrence E. Corbridge, “Stand Forever” [Brigham Young University devotional, Jan. 22, 2019], speeches.byu.edu)

Talanoaina fesili nei:

- O le a le lagona o le Alii e uiga ia i tatou i le faia o fesili? O le a se mea e mafai ona tatou maua mai le Alii pe afai atu ia te Ia a tatou fesili? (I le aveai ai ma se vaega o leni talanoaga, e mafai ona outou matamata i le “2.3.1 Ole atu, Saili, ma Tuitui Atu” [1:14], faatasi ai ma Elder David A. Bednar o le Korama a Aposetolo e Toasefululua.)
- O le a le eseese i le va o se fesili na fesiligia ma le faatuatua ma le fesili na faia ma le masalosalo? (Ina ia loloto atu, e mafai ona e faitauina le Alema 22:4–12 o se faaitaiga o fesili e fesiligia ma le faatuatua ma le Alema 11:21–22, 26–35 o se faaitaiga o fesili e fesiligia ma le masalosalo.)
- Aisea e ono taua ai le faailoa o le eseese i le va o le fesili autu ma le fesili lona lua? O le a se mea e mafai ona tupu pe afai tatou te faatuatua i fesili autu ma tulaia atoa atu i fesili lona lua?
- O a ni auala ua uunaia ai le aoaoina ma le tuputupu ae o lou olaga ona o le aveina o au fesili i le Alii ma isi tagata faamaoni ma punaoa faatupu faatuatua?

E faavae i mea ua e aoaoina i le taimi o leni talanoaga, tusifaamaumau se lomiga ua toe faafouina o le faamatalaga 1. Ia saunia e faasoa atu lau faamatalaga ua toe faafouina ma mea na e aoaoina i lau vasega.